



Broj: 07/2-14-2052/19
Vogošća, 09.04.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), Rješenja Ureda za razmatranje žalbi BiH-Filijala Mostar broj: JN2-03-07-1-569-8/19 od 26.03.2020. godine i čl. 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst 14/15), Općinski načelnik dana 09.04.2020. godine donio je

ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE UNAJMLJIVANJA
UREĐAJA ZA POSLOVE CENTRALIZIRANOG PRINTANJA, KOPIRANJA I SKENIRANJA, KOJI
ĆE BITI INSTALIRANI U ZGRADI OPĆINE VOGOŠĆA

Član 1.

Ponuda ponuđača "Kamer Commerce" d.o.o. Sarajevo, ulica Blažujski broj 14. Sarajevo, odabrana je za pružanje usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine Vogošća, kao trećerangirana na Rang listi, sa ponuđenom ukupnom cijenom nabavke u iznosu od 42.600,00 KM bez uračunatog PDV-a, odnosno 49.842,00 KM sa uračunatim PDV-om.

Član 2.

Ovom Odlukom stavlja se van snage Odluka o izboru najpovoljnijeg ponuđača za pružanje usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine Vogošća broj: 07/2-14-2052/19 od 20.02.2020. godine.

Član 3.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 11.12.2019. godine donio Odluku o pokretanju Otvorenog postupka nabavke usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 13.12.2019. godine pod brojem: 1353-1-2-234-3-173/19.

Sažetak Obavještenja o nabavci objavljen je u "Službenom glasniku BiH" broj: 83/19 od 20.12.2019. godine.

Nakon provedene Zakonom propisane procedure, dana 09.01.2020. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 07/2-14-2052/19, kojom je kao najpovoljniju ponudu u Otvorenom postupku nabavke usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine

Vogošća ocijenila ponudu ponuđača "Konica Minolta poslovna rješenja BH" d.o.o. Sarajevo, kao prvoplasiranu na Rang listi, sa ponuđenom najnižom cijenom tehnički zadovoljavajuće ponude u ukupnom iznosu od 31.850,00 KM bez uračunatog PDV-a, odnosno 37.264,50 KM sa uračunatim PDV-om.

Na predmetnu Odluku izjavljena je žalba od strane ponuđača "Printex" d.o.o. Sarajevo dana 20.01.2020. godine, zastupanog po punomoćniku Advokatskom društvu Eterović d.o.o. Sarajevo.

Ured za razmatranje žalbi BiH-Filijala Mostar, rješavajući po žalbi Žalitelja "Printex" d.o.o. Sarajevo je dana 13.02.2020. godine donio Rješenje broj: JN2-03-07-1-220-8/19, kojim se usvaja žalba Žalitelja "Printex" d.o.o. Sarajevo i poništava Odluka o izboru najpovoljnijeg ponuđača broj: 07/2-14-2052/19 od 09.01.2020. godine, te predmet vraća na ponovno odlučivanje ugovornom organu uz napomenu da isti bude okončan u skladu sa stavovima URŽ BiH-Filijala Mostar iznesenim u predmetnom Rješenju i u skladu sa zakonskim i podzakonskim propisima iz oblasti javnih nabavki.

U obrazloženju osnovanosti žalbe URŽ BiH-Filijala Mostar u svom Rješenju (strana 7. Rješenja) navodi sljedeće:

"Shodno navedenim i utvrđenim činjenicama predmetnog slučaja, ovaj organ predmetni navod žalioca smatra osnovanim, kako je izabrani ponuđač dostavio certifikate koji sadrže identičan tekst iz koga se ne može nesporno utvrditi da je ponuđač, u konkretnom predmetu nabavke, ispunio zahtjev ugovornog organa iz tačke 7.4.1 pod b) TD (po kojim ponuđač mora da ima na raspolaganju 2 stručna, ovlaštena i certificirana servisera za servisiranje/popravku uređaja koji će biti predmet iznajmljivanja i 2 stručna, ovlaštena i certificirana servisera za implementaciju i setovanje aplikacije za nadzor i kontrolu print sistema), kako dati certifikati nesporno ne sadrže podatke vezane za vrstu osposobljenosti certificiranih servisera u vezi sa navedenim zahtjevom ugovornog organa, a na osnovu kojih bi se utvrdilo da su imenovani serviseri stručni za obavljanje poslova na način predviđen tačkom 7.4.1 pod b) TD".

Shodno gore iznesenom, a uvažavajući navode iz Rješenja Ureda za razmatranje žalbi BiH-Filijala Mostar broj: JN2-03-07-1-220-8/19 od 13.02.2020. godine, ponuda ponuđača "Konica Minolta poslovna rješenja BH" d.o.o. Sarajevo nije formalno-pravno ispravna i kao takva nije prihvatljiva za ugovorni organ.

Komisija za javne nabavke Općine Vogošća je Zapisnikom o pregledu i ocjeni ponuda broj: 07/2-14-2052/19 od 09.01.2020. godine utvrdila Rang listu u Otvorenom postupku nabavke usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Konica Minolta poslovna rješenja BH" d.o.o. Sarajevo	31.850,00*	37.264,50
2	"Printex" d.o.o. Sarajevo	31.900,00*	37.323,00
3	"Kamer Commerce" d.o.o. Sarajevo	42.600,00	49.842,00
4	"Imtec" d.o.o. Sarajevo	42.720,00	49.982,40

*Označava cijenu na koju se primjenjuje preferencijalni tretman

Primjenom člana 72. stav 3. Zakona o javnim nabavkama BiH ("Službeni glasnik BiH" broj: 39/14) koji propisuje da "ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti dokumentaciju koja je bila uslov za potpisivanje ugovora, a koju je bio dužan pribaviti u skladu sa propisima u Bosni i Hercegovini", postupajući po uputama datim u Rješenju Ureda za razmatranje žalbi BiH-Filijala Mostar broj: JN2-03-07-1-220-8/19 od 13.02.2020. godine, a sve u skladu sa članom 111. stav 13. Zakona o javnim nabavkama BiH, Komisija za javne nabavke je jednoglasno dala preporuku Općinskom načelniku da se donese Odluka o izboru najpovoljnijeg ponuđača i da se ugovor za pružanje usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine Vogošća dodijeli ponuđaču "Printex" d.o.o. Sarajevo, kao drugorangiranom na Rang listi uz primjenu preferencijalnog tretmana domaćeg, sa ponuđenom najnižom cijenom tehnički zadovoljavajuće ponude u iznosu od 31.900,00 KM bez uračunatog PDV-a, odnosno 37.323,00 KM sa uračunatim PDV-om.

Dana 20.02.2020. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 07/2-14-2052/19, kojom je kao najpovoljniju ponudu u Otvorenom postupku nabavke usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine Vogošća ocijenila ponudu ponuđača "Printex" d.o.o. Sarajevo, kao drugorangiranog na Rang listi, sa ponuđenom najnižom cijenom tehnički zadovoljavajuće ponude u ukupnom iznosu od 31.900,00 KM bez uračunatog PDV-a, odnosno 37.323,00 KM sa uračunatim PDV-om.

Na predmetnu Odluku izjavljena je žalba od strane ponuđača "Konica Minolta poslovna rješenja BH" d.o.o. Sarajevo dana 28.02.2020. godine.

Ured za razmatranje žalbi BiH-Filijala Mostar, rješavajući po žalbi Žalitelja "Konica Minolta poslovna rješenja BH" d.o.o. Sarajevo je dana 26.03.2020. godine donio Rješenje broj: JN2-03-07-1-569-8/19, kojim se usvaja žalba Žalitelja "Konica Minolta poslovna rješenja BH" d.o.o. Sarajevo i poništava Odluka o izboru najpovoljnijeg ponuđača broj: 07/2-14-2052/19 od 20.02.2020. godine, te predmet vraća na ponovno odlučivanje ugovornom organu uz napomenu da isti bude okončan u skladu sa stavovima URŽ BiH-Filijala Mostar iznesenim u predmetnom Rješenju i u skladu sa zakonskim i podzakonskim propisima iz oblasti javnih nabavki.

U obrazloženju osnovanosti žalbe URŽ BiH-Filijala Mostar u svom Rješenju (strana 4. i 5. Rješenja) navodi sljedeće:

"Uvidom u ponudu izabranog ponuđača utvrđeno je da je isti dostavio Potvrdu proizvođača/distributera o ispunjavanju zahtjeva, izdatu od strane Paper Cut, European Authorised Solution Centar for papercut, Harrow, UK od 20.12.2019. godine, u kojoj se navodi da izdavalac potvrde potvrđuje da PaperCut MF ispunjava sve zahtjevane tehničke karakteristike navedene u dokumentaciji za javnu nabavku koju provodi ugovorni organ, po TD broj: 07/2-14-2052/19.

Shodno navedenom, predmetni navod žalioca se smatra osnovanim, kako žalilac, prema shvatanju ovog organa, dostavljanjem pomenute Potvrde nije ispunio zahtjev ugovornog organa iz Obrazca za cijenu TD po kojoj traženi softver mora zadovoljavati dole navedene opcije koje treba dokazati prilaganjem brošure ili certifikata u kojoj su naznačeni (da omogućava promjenu lozinke administratora na uređaju, da omogućava prijenos podataka tvrdog diska nakon unosa, da omogućava korištenje enkripcije hard diska sa individualiziranom lozinkom kako bi podaci ostali zaštićeni, da omogućava postavljanje lozinke za zaključavanje hard diska, da omogućava konfiguraciju automatskog brisanja poslova pohranjenih na uređaju, da je komunikacija između softvera i uređaja obezbjeđena SSL certifikatom i da ispisani i skenirani dokumenti sadrže podatke o tome ko je i kada je izvršio određenu akciju i na kojem uređaju), kako je evidentno da Potvrda ne sadrži zahtijevane/spomenute podatke sigurnosnih zahtjeva, na način kako je to eksplicitno zahtijevano predmetnom TD".

Uvažavajući navode iz Rješenja Ureda za razmatranje žalbi BiH-Filijala Mostar broj: JN2-03-07-1-569-8/19 od 26.03.2020. godine, ponuda ponuđača "Printex" d.o.o. Sarajevo nije formalno-pravno ispravna i kao takva nije prihvatljiva za ugovorni organ.

Shodno iznesenom, primjenom člana 72. stav 3. Zakona o javnim nabavkama BiH ("Službeni glasnik BiH" broj: 39/14) koji propisuje da "ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti dokumentaciju koja je bila uslov za potpisivanje ugovora, a koju je bio dužan pribaviti u skladu sa propisima u Bosni i Hercegovini", postupajući po uputama datim u Rješenju Ureda za razmatranje žalbi BiH-Filijala Mostar broj: JN2-03-07-1-220-8/19 od 13.02.2020. godine i uputama datim u Rješenju Ureda za razmatranje žalbi BiH-Filijala Mostar broj: JN2-03-07-1-569-8/19 od 26.03.2020. godine, a sve u skladu sa članom 111. stav 13. Zakona o javnim nabavkama BiH, Komisija za javne nabavke je jednoglasno dala preporuku Općinskom načelniku da se donese Odluka o izboru najpovoljnijeg ponuđača i da se ugovor za pružanje usluge unajmljivanja uređaja za poslove centraliziranog printanja, kopiranja i skeniranja, koji će biti instalirani u zgradi Općine Vogošća dodijeli ponuđaču "Kamer Commerce" d.o.o. Sarajevo, kao trećerangiranom na Rang listi, sa ponuđenom ukupnom cijenom ponude u iznosu od 42.600,00 KM bez uračunatog PDV-a, odnosno 49.842,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Dostavljeno:

- | | |
|--|-------------|
| 1. "Imtec" d.o.o. Sarajevo | 033/428-965 |
| 2. "Konica Minolta poslovna rješenja BH" d.o.o. Sarajevo | 033/721-303 |
| 3. "Printex" d.o.o. Sarajevo | 033/445-573 |
| 4. "Kamer Commerce" d.o.o. Sarajevo | 033/763-772 |
| 5. Nadležnoj Službi | |
| 6. U dosije | |
| 7. a/a | |



OPĆINSKI NAČELNIK

Edin Smajić
Edin Smajić